



NOAA
FISHERIES

NOAA Fisheries

Egalite ak
Estrateji Jistis
pou Aviwònman an

Rezime

NOAA Fisheries gen responsabilite pou li jere resous ak anviwònman oseyan peyi a. Nou itilize pi bon opsyon syantifik ki disponib yo pou rann sektè lapèch la pi dirab epi pi pwodiktif, kreyasyon manje lanmè ki pi bon pou sante moun, konsèvasyon resous pwoteje yo, ak jesyon ekosistèm yo pou yo ka toujou sen. Se objektif pa nou pou n rann sèvis sa yo disponib pou tout moun, yon fason pou pa gen okenn kominote¹ ki neglije. Dokiman sa a konsantre sou estrateji NOAA Fisheries genyen pou l entegre egalite ak jistis pou anviwònman (equity and environmental justice, EEJ) nan tout sa n ap fè, epi nan fason ki an koneksyon ak lwa aplikab yo ak disponibilite apwopriasyon yo.²

Egalite se tretman jis tout moun, pandan n ap pran an kont se pa tout moun yo te trete nan yon fason ki jis. Jistis anviwònmanal se egalite ki aplike sou lwa, politik ak pratik anviwònmanal yo. Gouvènman Federal la rekonèt obstak ki genyen pou egalite fè chimen l yo anpeche anpil kominote jwenn sèvis, epi menm kominote sa yo souvan vilnerab fas ak pwoblèm anviwònman yo, tankou chanjman klimatik. Pandan li rekonèt se pa tout kominote yo ki gen aksè egalego nan sèvis NOAA Fisheries yo, nou idantifye twa objektif priyorite pou mete nou sou chimen estrateji EEJ a pi fasilman pou tout moun:

- Bay idantifikasyon, tretman egalego ak angajman priyorite pou kominote ki neglije yo.
- Bay sèvis yo yon fason ki pi egal; epi
- Bay EEJ priyorite nan travay misyon nou ansanm ak yon pwogrè ki vizib.

Pou rive atenn objektif sa yo nou te idantifye sis pati esansyèl nou kapab amelyore. Nou kreye estrateji sa a gras ak opinyon manm pèsònèl NOAA Fisheries ansanm ak piblik la. Nou pral kontinye angaje ak kominote yo, ansanm ak kominote ki pi neglije yo an patikilye, pou aplike estrateji sa a nan nivo rejyonal ak pwogramatik. Gen anpil bagay pou n fè, epi nou angaje nou pou amelyore estrateji EEJ a nan NOAA Fisheries.



¹ Pou objektif dokiman sa a, "kominote" yo se gwoup moun, reprezantan òganizasyon oswa gwoup enterè, oswa antite gouvènmanal ki gen yon gwo enterè oswa ki enfluyans pa travay ak politik NOAA Fisheries.

² Estrateji sa a dwe aplike nan koneksyon ak lwa aplikab yo epi li dwe fèt nan kad disponibilite apwopriasyon yo. Pi devan, estrateji EEJ a pa gen okenn entansyon pran, ni li pa egn entansyon kreye, okenn lwa oswa avantaj, kit li materyèl kit li pwosediral, aplikab selon lalwa oswa nan egalite dapre nenpòt antite ki kont Peyi Etazini, depatman li yo, ajans li yo, oswa antite li yo, ofisye li yo, anplwaye li yo, oswa ajan li yo, oswa nenpòt lòt moun.